

ՈՒՐԱՐՏԱԿԱՆ ԳԻՅԱՐԱՆԻ «ՍՐԲՈՒԹՅՈՒՆՆԵՐԸ»

Ս. Գ. ՀՄԱՅԱԿՅԱՆ

Մ. թ. ա. IX դարի վերջին քառորդին Ուրարտուն արդեն հզոր պետություն էր՝ պետական գրավոր խոսքով, իրեն բնորոշ մշակութով, ներքին և արտաքին հետևողական քաղաքականությամբ։ Այս շրջանում [Իշպուինի (մ. թ. ա. մոտ. 825—810 թթ.) և Մինուա (մ. թ. ա. մոտ 810—786 թթ.) արքաների համատեղ դաշակալության տարիներին] վերջնականապես կարգավորվում է նաև ուրարտական պետության կրոնը, սահմանագծվում են կրոնական քաղաքականության հիմնական սկզբունքները։ Ուրարտական դիցարանը կանոնավորված և գրեթե լրիվ տեսքով շարադրված է Մհերի դռան արձանագրության¹ մեջ, ուր պատմվում է կրոնական մի մեծ տոնի ու հալղեի պատվին դարպասներ կառուցելու մասին։ Այդ առթիվ հրամայվում է (կարգ է սահմանվում) զոհեր մատուցել երկրի բոլոր աստվածներին, ընդ որում նշվում է յուրաքանչյուր աստվածության անունը և նրան մատուցված զոհերի քանակը։ Արձանագրությունում աստվածությունները բաժանված են երեք արական և նույնքան էլ իգական խմբերի²։ Սակայն, բացի առանձին աստվածություններից, զոհեր են մատուցված նաև տարբեր «սրբությունների» (սրբատեղիների, ոգիների, որոշ դեպքերում էլ արդեն հիշատակված աստվածությունների պատվին, բայց այս անգամ վերջիններիս տալով այլ՝ պաշտամունքային կենտրոնները բնութագրող անուններ)։ Հիշյալ «սրբությունները» նույնպես ենթարկված են ընդհանուր սկզբունքին՝ կանոնավորված են և ընդգրկված առանձին խմբերում, օրոնք միայնացից առանձնանում են կամ զոհաբերությունների քանակի տարբերությամբ, կամ ընդհատվում «բաժանարար» որևէ աստծո առկայությամբ։ Առաջին խումբ. կազմված է մեկ հասկացությունից՝ «խալդյան զենքերին» Dḫaldinaue BE.LI^{MEŠ} (4, 41)³ և հիշատակված է 12 դիցանուններից հետո։ Խալդյան զենքերը՝ Dḫaldinaue BE.LI^{MEŠ} ձևով, ուրարտական արձանագրություններում հազվագեղ է հանդիպում, միայն այն դեպքում, երբ խոսվում է որևէ շինարարության ավարտի հետ կապված զոհաբերությունների

¹ C. F. Lehmann-Haupt, Corpus Inscriptionum Chaldicarum. I—II, Berlin and Leipzig, 1926—1935 (CICh), Taf. VII—X, Г. А. Меликишвили, Урартские клинообразные надписи (УКН), М., 1967, № 27, F. W. König, Handbuch der chaldischen Inschriften (HChI), Graz, 1955—1957, № 7.

² Այս մասին ազելի հանգամանից տե՛ս «Պատմա-բանասիրական հանդես», 1975, № 1, էջ 158—164։

³ Այստեղ և այլուր «սրբություններից» հետո հիշատակված թվերը Մհերի դռան արձանագրության այն տողերն են, ուր գրված է տվյալ «սրբության» անունը։ Հոդվածում մեջբերված ուրարտերեն տեքստերի հայերեն թարգմանությունները, ինչպես և լատիներեն տառադարձությունները, խմբագրված են Հ. Հ. Կարապետյանի կողմից, որին և հայտնում ենք մեր շնորհակալությունը։

մասին⁴։ Հավանաբար այս հասկացության գրություն մեկ այլ ձևն է Dḥaldine Giššure «խալդյան զենքը (=սուրը)»⁵ արտահայտությունը, որ հանդիպում է կա՛մ ռազմական բնույթի արձանագրություններում, կա՛մ էլ հետևյալ կապակցությունում՝ Dḥaldine kurune Dḥaldine Giššure kurune՝ «Խալդեն հզոր (է), խալդյան զենքը հզոր (է)»։

Թերևս խալդեի «զենքերի» մասին ուրարտացիք ունեցել են երկակի պատկերացում՝ որպես կառուցող ու ստեղծագործող ուժ՝ Dḥaldine BE.LI MEŠ ձևով և ուղղակի իմաստով՝ Dḥaldine Giššure, ինչպես ասորական. հնդկական կամ հրեական կրոններում, ուր Ասուրի, Նիվալի, Վարունայի, Ինդրայի և կամ Եհովայի զենք ասելով՝ հասկացվում էր թշնամուն ոչնչացնելու միջոց (զերբնական հաստկություններով օժտված նետ ու աղեղ, նիզակ, սուր կամ որևէ այլ ուժ)։ Այս առումով հետաքրքիր է, որ խալդեին ձոնվել են ոսկուց, արծաթից, երկաթից ու բրոնզից պատրաստված զենքեր՝ վահաններ, ռազմականքեր, աղեղներ, կապարձներ, սրեր, նիզակներ⁶։ Մուծածիլի խալդեի տաճարում պահվող այդ զենքերի հետ միասին Սարգոն II-ը (մ. թ. ա. 721—705 թթ.) հիշատակում է նաև մի «մեծ ոսկյա սուր, նրա (խալդեի) զենքը»⁷, որը հիշեցնում է Աստվածաշնչի՝ կենաց ծառը պահպանելու կոչված «բոցեզեն սուրը»⁸։

Երկրորդ խումբ. առաջինից բաժանված է 19 դիցանունների հիշատակությամբ և կազմված է երեք հասկացություններից. Dḥaldine inereaše (12, 52) «խալդյան inereaše-ին», Dḥaldine alsuise (13, 53) «խալդյան մեծությունը», Dḥaldine diruše (13, 53) «խալդյան diruše-ին», որոնցից յուրաքանչյուրին զոհաբերված են 1 ցուլ և 2 ոչխար։

Inereaše բառը հայտնի է նաև Արգիշթե I-ի (մ. թ. ա. 786—764 թթ.) տարեգրությունից⁹։ Մ. Մերեթելին, Ի. Մ. Դյակոնովը inereaše բառը թարգմանում են «աստվածայնություն», «աստվածություն»¹⁰, իսկ Գ. Ա. Ղափանցյանը՝ «առնականություն», «քաջություն»¹¹ իմաստներով։ Գ. Ա. Մելիքիշվիլին առաջարկում է «պատկեր», «դեմք»¹² տարբերակը։

⁴ Տե՛ս օրինակ, УКН, № 25. Н. В. Арутюнян, Новые урартские надписи Кармир-блур, Ереван, 1966, № 1 և այլուր։

⁵ Գ. Ա. Ղափանցյանի թարգմանությամբ՝ «նետը», տե՛ս Դ. А. Капанцяна. Историко-лингвистические работы, т. II, Ереван, 1975, стр. 266—267։

⁶ Տե՛ս УКН, № 21—24 և այլուր։

⁷ Տե՛ս օրինակ, УКН, № 39, տող 4—5, № 127, I, տող 12 և այլուր։

⁸ И. М. Дьяконов, Ассиро-вавилонские источники по истории Урарту, ВДИ, 1951, №№ 2, 3, 4 (АВИИУ), 49 (367)։

⁹ Նույն տեղում։

¹⁰ Գիրք Մենդոց, գլ. Գ, 24։

¹¹ УКН, № 128, А 4, տող 1—4։

¹² Տե՛ս УКН, стр. 148, прим. 14; И. И. Мещанинов, Аннотированный словарь урартского (биайнского) языка, Л., 1978, стр. 144; И. М. Дьяконов, Урартские письма и документы (УПД), М.—Л., 1963, стр. 66, прим. 74։

¹³ Г. А. Капанцяна, Общие элементы между урартским и хеттским языками, Эривань, 1936, стр. 50—52։

¹⁴ Г. А. Меликишвили, К чтению одного места в летописи урартского царя Аргишти I. «Переднеазиатский сборник», вып. 3, М., 1979, стр. 171—177։

Ուրարտուում «խալդյան մեծությամբ» արտահայտությունը հալդեին դիմելու ամենատարածված ձևերից մեկն էր: Արձանագրություններում այն հանդիպում է ավելի քան հարյուր անգամ: Ուրարտական արքաները իրենց ու իրենց երկրի հղորդությունը անխզելիորեն կապում էին «խալդյան մեծության» հետ՝ «խալդյան մեծությամբ Մինուան արքա է հղոր, արքա մեծ, տիրակալը Տուշպա քաղաքի»¹⁵: «խալդյան մեծությամբ» են Ուրարտուի արքաները հիմնում տաճարներ, քաղաքներ ու արձանագրություններ, կառուցում ջրանցքներ, կռվում ու հաղթում:

D^haldine diruše հասկացությունը Ի. Մ. Դյակոնովը բացատրում է «խալդիի ողորմածությունը» ձևով¹⁶, իսկ Մորգամանը diruše-ն ստուգաբանել է «դրոշ» բառով¹⁷: Վերջինիս դիտողությունը չի ընդունվում գրեթե բոլոր ուրարտագետների կողմից: Բայց եթե նկատի ունենանք, որ այժմ հայտնի են քաղմաթիվ ուրարտական դրոշների պատկերներ, նաև այն, որ Սարգոն II-ի արձանագրությունում ուղղակի հիշատակվում է խալդեի տաճարում պահվող դրոշի (շտանդարտ) մասին¹⁸, ապա պիտի ընդունել, որ Ուրարտուում եղել է «խալդյան դրոշ» հասկացությունը, որն անպայման, ինչպես բխում է Մհերի դռան արձանագրության բնույթից, պիտի հիշատակված լիներ այնտեղ, ստանալով զոհերի համապատասխան քանակ: հետևաբար կարելի է D^haldine diruše արտահայտությունը թարգմանել «խալդյան դրոշին» ձևով:

Նրբորդ խումբ. երկրորդից սահմանազատված է զոհաբերությունների քանակի փոփոխմամբ, կազմված է երեք հասկացություններից D^haldinaue LU A. SI^{MEŠ} (13, 53) «խալդեի զորքերին», DⁱŠKUR LU A. SI^{MEŠ} (13, 14) «Թեյշեբայի զորքերին», D^artu arasaue (14, 54) «Արտուարասներին»: Առաջին երկու հասկացություններին զոհաբերված է 2 ցուլ և 4 ոչխար, իսկ վերջինին՝ 2 ցուլ և 34 ոչխար:

Այս արտահայտությունները ուրարտական այլ աղբյուրներից հայտնի չեն: Ասորեստանցիները, ասելով «Աշուրի զորքեր»¹⁹, Քենիլի և Մարդուկի զորքեր»²⁰, «Շամաշի և Մարդուկի զորքեր»²¹, հաճախ նկատի ունենին որոշակի զինվորական միավորումներ: Հետևաբար կարելի է ենթադրել, որ Ուրարտուում էլ են եղել խալդեին և Թեյշեբային ձոնված նման զորամասեր: Դրա վկայությունն է, թերևս, Կարմիր բլուրում գտնված դրոշը՝ Թեյշեբայի կերպարանքով²²: Աստվածաշնչում Եհովայի զորքեր ասելով՝ նկատի է առնվում «Իսրայելի որդիներին»²³, այսինքն բոլոր նրանց, ովքեր պաշտում էին Եհովային: Նման պատկերացում, թերևս, եղել է նաև Ուրարտուում և խալդեի, Թեյշեբայի

¹⁵ УКН, № 29, տող 13—15 և այլուր:

¹⁶ УПД, стр. 69, прим. 90.

¹⁷ S⁶u Հ. Ահառյան, Հայերեն արմատական բառարան, I, Երևան, 1971, էջ 697:

¹⁸ S⁶u АВИИУ, 49 (367):

¹⁹ АВИИУ, 49 (125):

²⁰ АВИИУ, 49 (91):

²¹ АВИИУ, 46 (6):

²² Б. Б. Пиотровский, Искусство Урарту, Л., 1962, стр. 82.

²³ Գիրք Ելից, գլ. է, 4:

կամ մի այլ աստվածության զորքեր ասելով՝ հասկացել են ցեղեր կամ ժողովուրդներ, որոնց պաշտամունքը առնչվել է տվյալ աստվածության հետ:

Անդրադառնալով *Varṣu'arasaue* դիցախմբին, պետք է նշել, որ այս նույն միտքը կարելի է արտահայտել հետևյալ կերպ՝ *DUTU LU A. SIMES:* Այսինքն «Արտուարասենները» համապատասխանում են «Շիվինների (արևի) զորքերը» [= Ասորեստանի «Շամաշի (արևի) զորքերը»] հասկացությանը: Այս ենթադրությունը բխում է այն հանգամանքից, որ «Արտուարասենները» հիշատակված են «սրբությունների» խմբում, ուր վկայված են Ուրարտուի գլխավոր աստվածությունների «զորքերը»: Այստեղ ևս պահպանված է Ուրարտուում կանոն դարձած այն հաջորդականությունը, ըստ որի՝ սկզբում հիշատակվում է *Խալդեի*, այնուհետև *Թեյշեբայի* և ապա *Շիվինների* անունը: Ինչպես կտեսնենք ստորև, առանձին խմբերում են ընդգրկված նաև այս երեք աստվածությունների նման այլ հատկանիշներ ևս, պահպանելով հիշյալ հաջորդականությունը:

Չորրորդ խումբ. առաջինից սահմանազատվում է զոհաբերությունների տարբերությամբ, ընդգրկում է վեց հասկացություն, որոնցից յուրաքանչյուրին զոհաբերված է 1 ցուլ և 2 ոչխար: Այս խումբը թերևս կազմված է երկու ենթախմբից՝

ա) *URU ardininaue DINGIR (14, 55)* «արդինեցիների աստծուն», *URU qumenunaue DINGIR (14, 55)* «կումենուցիների աստծուն», *URU tušpaninaue DINGIR (14, 56)* «տուշպանիների աստծուն»:

բ) *DINGIR^{MEŠ} Dḫaldinine URU-ne (15, 56)* «խալդյան քաղաքի աստվածներին», *DINGIR^{MEŠ} URU arsunuine (15, 57)* «արծուհիուինյան քաղաքի աստվածներին», *Dḫaldine daše (15, 57)* «խալդյան daše-ին»:

Ըստ Գ. Ա. Մելիքիշվիլու, առաջին ենթախմբում հիշատակված են *Խալդե*, *Թեյշեբա* և *Շիվին* աստվածությունները, սակայն այլ, նրանց պաշտամունքային կենտրոնները բնորոշող անուններով. այսպես՝ *Խալդեի* գլխավոր պաշտամունքային կենտրոնն էր *Արդինե* (*Մուծածիր*) քաղաքը, *Թեյշեբայինը*՝ *Կումենուն*, *Շիվիններինը*՝ *Տուշպան*²⁴:

Երկրորդ ենթախմբը ամբողջությամբ առնչվում է *Խալդեի* պաշտամունքի հետ: «*Խալդյան քաղաքի աստվածներ*» ասելով, թերևս, նկատի են առնված նույն *Արդինե* քաղաքում պաշտվող այլ աստվածներ: Այս հասկացությունը հավանաբար համարվեք պետք է համարել *Կելյաշինի* արձանագրության անեծքի բանաձևից հայտնի՝ *DINGIR^{MEŠ}-se URU ardineše*²⁵ «Արդինե քաղաքի աստվածներ» արտահայտությանը: Հայտնի է, որ *Արդինե*-ում, *Խալդեի* տաճարում կար նաև նրա կնոջ՝ *Արուբանեի*, գերբնական պահպանների և Ուրարտուի աստվածացված արքաների պաշտամունքը: «Արծուհիուինյան քաղաքի աստվածներ» արտահայտությունը հայտնի է միայն այս արձանագրությունից, իսկ *Արծուհիուինե* քաղաքը՝ նաև Սղգայում և Բերկրիում գտնված Մինուայի արձանագրություններից²⁶: Երկու դեպքում էլ խոսքը այստեղ *Խալդեի* պատվին պաշտամունքային կառույցներ (դարպասներ և արձանադրեր)

24 Տե՛ս Գ. Ա. Меликишвили, Нагри—Урарту, Тбилиси, 1954, стр. 365—368.

25 CICH, տախտակ III; УКН, № 19, ուր. տ., տող. 40—41; HChI, № 9, § 27:

26 УКН, №№ 97, 99.

կանդնեցնելու մասին է: Ինչպես վերոհիշյալ, այնպես էլ այն հանգամանքը, որ երկրորդ ենթախմբի մյուս երկու «սրբությունները» առնչվում են հալդեի պաշտամունքի հետ, հնարավորություն է տալիս ենթադրելու, որ «Արծունիության քաղաքի աստվածներ» հասկացությունը առնչվում է հալդեի պաշտամունքի հետ:

Գ. Ա. Ղափանցյանը Արծունիություն քաղաքը համարում է Ուրարտուի «հարազատ» քաղաքներից մեկը²⁷: Ն. Գ. Ադոնցի կարծիքով այն գտնվել է Բերկրիից ոչ հեռու²⁸:

«հալդեի dase-ին» արտահայտությունը հայտնի է միայն այս արձանագրությունից և նրա իմաստը պարզ չէ: Սակայն տեղը, ուր հիշատակված է, խոսում է այն մասին, որ այստեղ վկայված է ոչ թե հալդեի հատկություններից կամ նրան դիմելու ձևերից մեկը, այլ հալդեի պաշտամունքի հետ կապված մի երևույթ (ինչպես օրինակ՝ «թիկնապահ», «ուղեկից» կամ նման մեկ այլ հասկացություն):

Հինգերորդ խումբ. չորրորդից սահմանազատված է Շուբա աստվածության հիշատակությամբ և կազմված է հալդե, Թելշեբա և Շիվինե աստվածությունների երկրորդական կարևորություն ունեցող պաշտամունքային կենտրոնները բնորոշող հասկացություններից, որոնցից յուրաքանչյուրին զուգահեռված է 1 ցուլ և 2 ոչխար. D^haldininaue KA (16, 58) «հալդյան դարպասներին» (ընդհանրապես), DⁱšKUR KA URU^ueridiane (16, 59) «Էրիվիա քաղաքի Թելշեբա (աստծո) դարպասներին», DUTU KA URU^uišnīne (16, 59) «Ուիշինե քաղաքի Շիվինե (աստծո) դարպասներին»:

Վեցերորդ խումբ. կազմված է երեք հասկացություններից՝ D^haldine arne (17, 60) «հալդյան ողորմածությունը», D^haldine ušmaše (17, 61) «հալդյան զորությունը», DINGIRMES D^haldine susine (17, 61) «Խալդեի սուսեի (տաճարի) աստվածներին», որոնցից յուրաքանչյուրին զուգահեռված է 1 ցուլ և 2 ոչխար և նախորդ՝ հինգերորդ խմբից սահմանազատված է էլիա դիցանվան հիշատակությամբ:

«հալդյան ողորմածություն» կապակցությունը հիշատակված է միայն Մհերի դռան արձանագրությունում:

«հալդյան զորությամբ» արտահայտությունը ևս հալդեին դիմելու ամենատարածված ձևերից մեկն էր: «հալդյան զորությամբ» էին Ուրարտուի տիրակալները շենացնում երկիրը, արշավում թշնամու վրա և հզոր էին նրանք «խալդյան զորությամբ»:

«հալդեի սուսեի աստվածներին» դարձվածքը կարելի է մեկնաբանել որպես ակնարկ այն աստվածությունների մասին, որոնց պաշտամունքը առնչվում էր հալդեի հետ և իրագործվում հալդեի տաճարներում, որի վկայությունն է, թերևս, Ուրարտուի աստվածացված արքաների պաշտամունքի առկայությունը Մուծածիրի հալդեի տաճարում²⁹:

Յոթերորդ խումբ. նախորդից սահմանազատված է Թալապուրա և Կիլիբանե դիցանունների հիշատակությամբ: Կազմված է երեք հասկացություններ

27 Գ. Ա. Ղափանցյան, Ուրարտուի պատմություն, Երևան, 1940, էջ 48:

28 Ն. Գ. Ադոնց, Հայաստանի պատմություն, Երևան, 1972, էջ 227:

29 «Պատմա-բանասիրական հանդես», 1975, № 1, էջ 164:

րից, որոնցից յուրաքանչյուրին զոհաբերված է 1 ցուլ 2 ոչխար՝ KUR^eebaninaue DINGIR (18, 63) «երկրացիների (==լեռնցիների) աստծուն», KUR^alganinaue DINGIR (18, 63) «հարթավայրալիների (==դաշտեցիների) աստծուն», ENGUR^suininaue DINGIR³⁰ (19, 64) «ծովալիների աստծուն»:

Ութերորդ խումբ. սահմանազատված է յոթերորդից զոհաբերությունների քանակի տարբերությամբ և կազմված է երեք հասկացություններից. որոնցից երկուսին զոհաբերված է 4 ցուլ և 14 ոչխար՝ DINGIR^{MEŠ} atqananaue (19, 64) «զոհաբերությունների աստվածներին», ...raue (19, 65): Այս անվան միայն վերջին մասն է պահպանված (aue տրական հոլովի հոգնակի թվի վերջավորությունն է): Թերևս այս խմբում է ընդգրկված նաև DINGIR^{MEŠ} UKKIN^{MEŠ} (19, 65) «բոլոր աստվածներին» հասկացությունը, որին զոհաբերված է 4 ցուլ, 18 ոչխար:

Եններորդ խումբ. սահմանազատված է նախորդից զոհաբերությունների քանակի տարբերությամբ D^ualdine niribe (20, 66) «Նալդեի հոտին», Duainaue KA URUⁿišī[...ne (20, 66—67) «Նիշե... քաղաքի Ուայան (աստծո) դարպասներին», GEN^babanaue (20, 67) «Էբոնեի», որոնց զոհաբերված են միայն ոչխարներ:

Այսպիսով, ուրարտական դիցարանը, համաձայն Մհերի դրան արձանագրության տվյալների, կազմված է երեք արական, երեք իգական աստվածությունների և ինը «սրբությունների» խմբերից: Վերջիններս կազմված են միմյանց հետ պաշտամունքային ընդհանրություններ ունեցող հասկացություններից. առաջին, երկրորդ, վեցերորդ խմբերում և չորրորդի երկրորդ ենթախմբում ամփոփված են խալդեի պաշտամունքի հետ առնչվող երեւելիներ: Իսկ երրորդ, հինգերորդ խմբերում և չորրորդի առաջին ենթախմբում՝ «սրբություններ», որոնք առնչվում են Ուրարտուի զլխավոր երեք աստվածությունների պաշտամունքի հետ: Տրամաբանական կապ ունեն նաև յոթերորդ և ութերորդ խմբերում ամփոփված «սրբություններ»:

«СВЯТЫНИ» УРАРТСКОГО ПАНТЕОНА

С. Г. АМАЯКЯН

(Резюме)

Божества и «святыни» урартского пантеона известны в основном из надписи «Мгери дур», где они распределены по пятнадцати группам. Три из этих групп отведены богам, три богиням и девять «святыням» Урарту. Каждая группа составлена из понятийно близких членов. Это обстоятельство делает возможным объяснение некоторых неясных слов; например, для Darṭu'arasaue можно предложить перевод «воинству бога Шивини».

³⁰ Մ. Ա. Իսրայելյան, Ուրարտագիտական գիտողություններ, 2002 ԳԱ «Լրաբեր» (հաս. գիտ.), 1970, № 3, էջ 83: